



Stiafen Monn-Loretz 1933 - 2005

Suenter liunga malsogna ha Stiafen Monn finalmein astgau terminar il cuors da questa tiara, ils 3 da matg 2005. In numerus pievel ha accumpignau il defunct ils 6 da matg sin siu davos viadi. El rauassi en pasch e gaudi la glisch cumpleina.

Cuors dalla veta

Stiafen Monn ei naschius ils 26 da decembre 1933 sco tierz affon da famiglia Sep Antoni Monn-Mais-

sen. Suenter el neschan aunc quaters affons. Il Stiafen ha frequentau las scolas primaras cheu a Rueras ed a casa era ei da segidar cul menaschi puril. Biars onns eis el staus ad alp si cuolm Val sco paster grond. Naturalmein ha el era vuliu empruar il paun jester ed ei staus giu Berna tier la confederaziun, giu Cuera tier la viafier ed il davos giu Trun tier la mazlaria Spiess. Mo la finfinala eis el sedecidius da turnar anavos en sia patria e far leu il pur.

Anno 1966 ei Stiafen sospusaus cun Antonia Loretz. Els han giu in fegl. La mort da sia dunna igl onn 1998 ha schau anavos per l'entira famiglia ina gronda largia.

Igl uost 1998 ei il Stiafen sedecidius dad ira ella casa da vegls s. Vigeli a Sedrun. Leu ha el aunc astgau passentar in per bials onns. Bia spassegiadas ha el fatg cun ils viandonts, fargliuns ni era persuls. Il Stiafen era adina da buna luna e mai fuss el selamentaus. Aschailein era tener el en buna memoria.

Erwin Monn

Engraziamenti

In grond engraziament al persunal dalla casa s. Vigeli.

In grond engraziamnet al miedi da casa Dr. Andreas Fischbacher.

In grond engraziament per tut quels che han visitau el e fatg dil bien.

In grond engraziament a Sur Alexi Manetsch per la messa funerala e per ses plaids da comiau.

Lein tener il Stiafen en buna memoria.

Rueras, zercladur 2005

Erwin Monn